



泰山志

叙錄
逸事

19-20

ル 5
3548
10



門 5
號 3548
卷 10

泰山志卷第十九

朝議大夫山東泰安府知府休寧金榮纂輯

逸事記

東嶽所以謂之岱者代謝之意陽春用事除故生新萬物

更相生代之道故名岱也三禮義宗

岱宗石室上下懸絕其中金牀玉几列仙傳

泰山於所經諸山最高而岑嶠軒舉凌跨衆阜雲霞草木

藹然靈異苑囿神奇故無螫蟲猛獸從征記

登乎泰山下臨千仞之淵上蔭百丈之松蕭蕭然神王乎

一邱矣言不出乎耒耜心不過乎俗人其猶木犬守戶瓦

雞司晨也符

有客登岱嶽絕頂行四十里以伺日出久之星斗漸稀東望如平地天際已明其下則暗又久之明處有山數峯如臥牛車蓋之狀星斗盡不見其下尙暗初憶日自明處出又久之自大暗中日輪湧出正紅色騰起數十丈至明處全無光其下亦尙暗

邵氏聞見錄

章宗時山東盜賊起承暉遷山東路統軍使渠魁稍就招降猶往往潛匿泰山巖穴間按察司請數萬人刊除林木則盜賊無所隱承暉曰泰山五嶽之宗故曰岱宗王者受命封禪告代國家雖不行此事而亦不可赭也天下之山亦多矣豈可盡赭哉議遂寢

金史

山東以泰山之南爲陽汶泗爲津鄒魯其門庭也泰山之

北爲陰濟漯爲津東達登萊之間其幽奧處也是以魯尙

禮樂泰山之所抱中和氣也齊尙功利泰山之所背憤忮

氣也

文翔鳳泰山記

泰山上下陰晴氣候不同盛夏苦寒御夾單衣不免擁爐時微雨新霽紅日麗空殘雲滿地俯視茫茫如陸海堆絮積雪不知其幾千萬頃客指示顧子曰其下人家方陰也

孔貞瑄泰山紀勝

泰山有舍身崖愚民或擲身其下不知何取或曰墨氏之教也夫墨氏之教兼愛非中也然摩頂放踵猶曰以其利天下而後爲之也夫棄物于江河以爲廉人則笑之至於舍身而無所利曷爲乎爾一先正刻經語其旁曰身體髮

膚受之父母不敢毀傷是仁人之意哉然不若畏其名滅其迹之為愈也泰山紀勝

嘗於春時晨觀山半雲布平密絢爛一色宛然倒看天宇四月以後山多蒸濕不可居五六月亦寒衣必綿臥必炕早暮如深秋遇暴雨山半風擊雲湧雷聲電光皆出其下隱約見麓地白波沉澗如海頃忽雲生嶽巔則上下皆雨臘月衝雪登岱至御帳雲煙模糊至十八盤天宇開霽俯矚山腰猶有雲靄及下山大雪如故冬春之交諸崖谷出煙霧寒甚初尚可指數頃則黶黶蒙覆盡失山形少霽豁壑林木及樓閣簷牙凝結冰花珠聯粉綴如畫明汪子卿志子登岱于山不敢言吳門周越也斷自徂徠諸峯乎於水

不敢言海也斷自汶泮泗濟乎於典禮不敢言黃也斷

自虞狩乎於石不敢言李斯也斷自摩崖石經乎遠而疑

毋寧近而信鍾惺岱記

岱山東有員淵十里孟夏之月水騰沸以金石投之爛如

土孟冬之月稍焦涸中有黃色煙從地中出起數丈煙色

萬變山人掘之入地數尺得焦石如炭或有碎火如俗間

之火有草名莽蝗葉圓如荷去之十步炙鳥獸不敢近刈

以為席冬彌温以枝相歷磨則火出拾遺記

金皇統二年累月不雨泰安守劉將軍禱於岱嶽不應繼

致祭龍潭赫日滋熾劉怒令丁夫運石負土欲填之夜夢

神告曰天久無雨非吾之罪今四海之內凡一勺之水皆

有神主之。吾豈敢上違天律，輒降膏澤。幸使臣察之，劉寤愈怒。黎明，率千餘卒，益輦土石，投填潭中。比暮，遂平。比至次曉，復淵汎如故，劉了不痛，但驅丁夫運土石填之。當晝隆熱，忽寒風倏起，雷電從潭中出，山阜震動，吏民懼甚。猶督役不已。數日間，暴卒雨乃沛然。龍潭者，卽今白龍池也。史

古傳有美丈夫爲岱南田家傭，復養爲壻，善灌園。每夜澆田，蔬畦皆滿，絕不聞輓轆聲。鄰人異之，從垣隙窺，見乃見白龍，長可數丈，銀鱗萬點，寒光奪目。半身入井，吸水吐盈數畦。其人驚仆，遂喧傳之。龍知事泄，乃辭去，語其室曰：家在傲來峯，百丈崖下。今白龍池是也。嗣後禱雨屢應，敕封

淵濟公。今州南八里有白峪廟，祀白龍神，至今不衰。泰山紀事

人飲諸崖水多瀉，惟瑤池白鶴水，簾五花，玉女數泉，甘美。

元君祠東崖一竅，泉滴如珠，晝夜出一斛許，其味尤佳。明汪

子卿志

嶽之西南有水出谷中，爲西溪。自大峪口至州城之西而南，流入於泮，曰濼河。其水在高里山之左，有橋跨之，曰濼河橋。世傳人死魂不得過，而曰奈何。此如漢高帝云：柏入

者，迫於人也。山東考古錄以上水

奉高者有事岱嶽帝王禪祀之處也。故有明堂在縣西南

四里。漢武立大壇於東山，以祭天，示增高也。晉太康地記

泰山東嶽也。嬴博二縣其界。漢武封禪，割此縣以供祀。秦

山故曰秦高邛元之

郡城南門號乾封蓋漢武以元封元年登封泰山二年久

旱不雨公孫卿曰黃帝時封則天旱乾封三年言三歲不

雨暴所封之土令乾也帝乃下詔曰天旱意乾封乎乾封

之名始此泰山紀勝以上郡邑

泰山一日天孫言為天帝之孫也主召人魂東方萬物之

始故知人生命之長短博物志

泰山名蓬元太空洞天即太昊為青帝治東嶽主萬物發

生考校死生鬼神之所歷代帝王報功封禪上應奎婁之

精下鎮魯地之分野洞淵集

肩吾得之以處泰山莊子

泰山神姓圓名常龍呼之令人不痛泰山君元邱目陸泰

山將軍唐巨存之却百邪龍魚河圖

齊景公舉兵將伐宋師過泰山夢見二丈夫立而怒甚公

恐覺辟門召占夢者至公曰今夕吾夢二丈夫立而怒吾

猶識其狀占夢者曰泰山之神怒也明日晏子朝見公告

之對曰是宋之先湯與伊尹也嬰請言湯與伊尹之狀公

曰然是已今若何晏子曰請散師以平宋晏子

蔣濟字子通楚國平阿人也仕魏為領軍將軍其婦夢見

亡兒涕泣曰死生異路我生時為卿相子孫今在地下為

泰山伍伯憔悴困苦不可復言今太廟西謠士孫阿見召

為泰山令願母為白侯屬阿令轉我得樂處言訖母忽然

驚寤明日以白濟濟曰夢爲虛耳不足怪也日暮復夢曰
我來迎新君止在廟下未發之頃暫得來歸新君明日日
中當發臨發多事不復得歸永辭於此侯氣彊難感悟故
自訴於母願重啟侯何惜不一試驗之遂道阿之形狀言
甚備悉天明母重啟濟雖云夢不足怪此何太適適亦何
惜不一驗之濟乃遣人詣太廟下推問孫阿果得之形狀
證驗悉如兒言濟涕泣曰幾負吾兒於是乃見孫阿其語
其事阿不懼當死而喜得爲泰山令惟恐濟言不信也若
如節下言阿之願也不知賢子欲得何職濟曰隨地下樂
者與之阿曰輒當奉教乃厚賞之言訖遣還濟次速知其
驗從領軍門至廟下十步安一人以傳消息辰時傳阿心

痛已時傳阿劇日中傳阿亡濟泣曰雖哀吾兒之不幸且
喜亡者有知後月餘兒復來語母曰已得轉爲錄事矣魏志

引列
異傳

桓哲字明期居豫章時梅元龍爲太守先已病矣哲往省
之語梅云吾昨夜忽夢作卒迎卿來作泰山府君梅聞之
愕然曰吾亦夢見卿爲卒來迎我經數日復同夢如前遂

相繼殂搜神記

漢獻帝建安中南陽賈儁字文合以病歿時有吏將詣秦
山司命閔簿謂吏曰當召某郡文合何以召此人可速遣
之時日暮遂至郭外樹下宿見一年少女獨行文合問曰
子類衣冠何乃徒步姓字爲誰女曰某三河人父見爲弋

陽令昨被召來今却得還遇日暮懼獲瓜田李下之譏望君之容必是賢者是以停畱依憑左右天明各去文合卒已再宿停喪將殮視其面有色捫心下尚溫少頃却蘇後文合欲驗其實遂至弋陽修刺謁令因問曰君女寧卒而却蘇耶具說女子資質服色言語本末令人問女所言皆同方大驚歎竟以此女配文合焉搜神記

帝登泰山見神物迎謁帝問左右皆不見有老巫阿馬婆云嶽神在道左朱鬢紫衣者是也令巫傳言神可先歸遂不見至廟神復橐鞬迎立庭下巫言如所見乃封神爲金天王開元傳信記

吳女盈盈善歌舞姿容都冶一夕夢紅裳美人手一紙曰

玉女命汝掌奏牘及覺泣以白母曰兒不能久居人間矣異日當訪我碧霞峯頭其日竟卒後詩客三山聞之登岱絕頂徘徊玉女池畔爲一詩以弔之既歸夢二女奴召至一溪洞更有碧衣短鬢者迎入宮殿上有女子玉冠絳衣擁雲幢寶扇山不敢仰視俄女使持一簡授山上書一詩曰絳闕琳宮鎖亂霞長生未晚棄年華斷無方朔人間信遠阻麻姑洞裏家歷劫遙翻滄海水濃春難謝碧桃花紫臺樹隱瑤池瀉鳳懶龍嬌日又斜尋瘖明日追尋不得其處

唐人小說

沙門島罪人舊額給官糧者三百名每溢額則取其人投之海中馬默知登州建言朝廷旣貸其生矣又驅之死地

非朝廷本意乞選年深至配所不作過人移登州神宗深
然之詔可著為令自是多全活者一日默獨坐假寐夢見
一人從空中降如世間所畫符使挾一男一女至前授男
女於默大呼曰我自東嶽來聖帝有命奉天符馬默本無
嗣以移沙門島罪人事上帝特命賜汝子言畢乘黃雲而
去默驚起與左右卒隸猶見黃雲後果生男女古史苑
郁離子觀於嶽祠悵然嘆曰悲哉先王之道隱而鬼神亦
受人之誣也聖人有言曾謂泰山不如林放言泰山不享
非禮之祭也今也又從而為之祠形其神而配以妃不亦
誣且褻乎夫人之生死有天命焉福善禍淫天之道也使
誠有鬼司之猶當奉若帝命其敢受非禮之祈而淫縱其

禍福於其所不當得者乎祠以私之是以濁世之鄙夫待

鬼神也不敬孰大焉劉伯溫集

泰山魏晉元君宗真宗所封世人多以為泰山之女後之
文人知其說之不經而誤為黃帝遣玉女之事以附會之
不知當日所以褒封固真以為泰山之女也今考封號雖
自宋時而泰山女之說則晉時已有之張華博物志文王
以太公為灌壇令期年風不鳴條文王夢見有一婦人當
道而哭問其故曰我東海泰山神女嫁為西海婦欲東歸
灌壇令當吾道太公有德吾不敢以暴風疾雨過也文王
夢覺明日召太公三日三夕果有疾風驟雨自西來也文
王乃拜太公為大司馬此一事也干寶搜神記後漢胡母

班嘗至泰山之側爲泰山府君所召令致書於女壻河伯云至河中流扣舟呼青衣當自有取書者果得達復爲河伯致書府君此二事也列異傳記蔡支事又以天帝爲泰山神之外孫自漢以來不明乎天神地祇人鬼之別一以人道事之於是封嶽神爲王則立寢殿爲王夫人有夫人則有女而女有壻又有外孫矣唐宋之時但言靈應卽加封號不如今之君子必求其人以實之也又考泰山不惟有女亦又有兒魏書段承根傳父暉師事歐陽湯有一童子與暉同學後二年辭歸從暉請馬暉戲作木馬與之童子甚悅謝暉曰吾泰山府君子奉勅遊學今將歸煩子厚贈無以報德子後至常伯封侯非報也且以爲好言說乘馬騰虛而去集異記言貞元初李納病篤遣押衙王祐禱岱嶽遙見山上有四五人衣碧汗衫半臂路人止祐下車言此三郎子七郎子也文獻通考後唐長興三年詔以泰山三郎爲雄威將軍宋大中祥符元年十月封禪畢親幸加封炳靈公夫封其子爲將軍爲公則封其女爲君正一時之事爾又考元劉遵魯漢島記曰廟中神妃相傳爲東海廣德王第七女夫海有女則山亦有女曷足怪乎

錄

左氏國語未有封禪之文是知三代以上無仙論也史記漢書未有考鬼之說是知元成以上無鬼論也遁甲開山圖曰泰山在左亢父在右亢父知生梁父知死博物志曰

泰山主召人魂魄此二者皆其說之所本其初見於史者則漢書方術傳許峻自云嘗篤病三年不愈乃謁泰山請命烏桓傳死者神靈歸赤山赤山在邊東西北數千里如中國人死者魂神歸泰山也三國志管輅傳謂其弟辰曰但恐至泰山治鬼不得治生人如何而劉楨贈五官中郎將詩有曰常恐遊岱宗不復見故人然則鬼論之興其在

東漢之世乎

山東考古錄

廣平府杜和齋諱賡原任南京西城兵馬司居官正直忠厚人多稱爲杜佛萬歷四十年七月二十七日有二白衣者到門云請杜公接詔時公不病也急出庭前跪聽一人持白紙一幅高聲讀岱宗皇帝命曰作善降祥天賞不忒曰失暨濫衡鑒非人茲福善司主者遷咨爾廣平府杜賡植性溫良絕情淫殺命爾爲福善司使務察兆民之隱絲用示三等之昭報勿失良士勿濫庸情其以八月初一日任遲乃降罰讀畢公卽請其弟原任山東武德道副使諱縻者同至看詔詢其衣白之故曰取善人例應穿白言訖不見至八月初一日五鼓杜公卒

泰山紀事

長洲市民符某皈心道門萬歷丙申六月夢郡隸入曰我東嶽使者屈公爲某司祭酒令且下先遣某爲通符不知所答但驚顛而已數日符又見一吏卒告舊任官來請出迎一白衣貴人坐肩輿而來相見揖入坐定言某久爲祭酒秩滿遷主天曹知公心平才贍舉以自代幸卽赴任無

負天朝寵錫也符曰某目不識一字何以作官治事幸公
哀之別選能者貴人曰無妨吾昔為前官舉用亦不識字
治事久之豁然通靈曹司吏典甚多無用勞擾藉公坐鎮
雅俗耳本司文部及一鷹一犬皆以交付符問鷹犬何用
曰鷹犬以察人善惡日行千里不可少也語畢命吏卒上
拜謁家人悉不見良久貴人告去符送至門揖遜而別居
數日沐浴更衣無疾而逝焉

湖海搜奇

大學士益都馮公溥二十一歲崇禎己卯鄉舉報至方熟
睡家人呼之不醒母太夫人驚令喚以水亦不醒至半夜
方寤云夢登泰山雲氣蓬勃擁之而行至一殿懸錦繡於
門眾樂齊作酒設咸備碧霞元君親臨羣仙隨之成禮將

退適聞鷄鳴紅日如車輪湧出遂驚寤寤時猶帶酒氣

曠園

雜識

岱廟配天門青龍神吐火神高二丈人力殊難攀躋法像
莊嚴人情弗敢戲豫巡邏嚴密人跡不能潛藏火自何來
乃炎炎忽從口出遍考志乘實為從來未有之奇
王在晉奏疏
有武生某者素無行遇人鼠牙雀角之忿輒峻之駕虛誣
大惟欲自飽囊橐不顧他人身累產蕩以故皆恚其為人
也道路以目一日與儕眾登嶽頂禮至險處有巨石砢然
自崖落拋擲千百尺如霹靂聲前後諸人暨某之輿夫俱
無恙獨某軀已膏塗巖石無餘矣家人拾其一指以歸

泰山

述記

某者不知其鄉里奉母上山頂禮攜青樓女同行每至盤路崎嶇處輒親護女與母歷險隘置之罔顧也既進香下山至隘處忽墜巨石擊殺之可見神惟歆人之善心苟無善心可格神靈者雖日日頂禮究何益哉

泰山述記

李欽平陰人性至孝蚤失父奉母勉供甘旨母病醫藥不效欽乃竭誠禱神隆冬單衣與母祈安於岱嶽既歸母夜夢一白衣人至其榻瀝水於身比覺沉疴頓釋泰安府志以上神靈元祀代泰山貢兩伯之樂焉陽伯之樂舞侏離其歌聲比余謠名曰暫陽儀伯之樂舞龔哉其歌聲比大謠名曰南

陽尚書大傳

博縣十月祀岱宗名曰合凍十二月涸凍正月解凍太守

潔齋親自執事作脯廣一尺長五寸既祀訖取泰山君夫人座前脯二十胸拜章縣次驛馬傳送洛陽風俗通

大周天授二年二月廿三日金臺觀主馬元貞弟子楊景雲郭先元奉赦于東岳作功德漢史晨前碑題名

古者祭神用玉幣後來易以錢而紙錢焚化前古所未有也起於唐元宗惑王璵之說鬼神事繁錢幣不給璵作紙錢易之遂以成風祭天享廟皆用之獨四方謁泰山碧霞

元君多齋金錢幣帛施神座前猶倣古之遺意泰山紀事以上祠祀

黃帝會羣臣於泰山作清角之音似兩鳳雙鳴二龍齊吟丹蛇繞首雄虹帶天橫吹雙角之音不過如此文獻通考

秦始皇二十八年登泰山至半忽大風雨雷電路旁有松

秦始皇下泰山風雨暴至休大樹下因封其樹為五大夫
無禮而得天下妄受帝命何以封左右咸聞始皇不樂而
歸獨異

秦始皇下泰山風雨暴至休大樹下因封其樹為五大夫
初不言其為何樹也後漢應劭作漢官儀始言為松蓋松
在泰山小天門至劭時猶存故知其為松也五大夫蓋秦
爵第九級如曹參賜爵七大夫遷為五大夫是也後人不
解遂謂松之封大夫者五唐人松詩有不羨五株封之句
蓋循習不考之過也紹興上虞縣有村市曰五夫故老云
有焦氏墓于此後五子皆位至大夫因而得名近世好事
者或異其說曰此秦封松為五大夫之地也紹興間王十

朋為郡幕官采訪所聞作會稽風俗賦得此遂以為然故

賦有松挺千丈爵封五夫之句疏于下云上虞有地名五

夫始皇封松為五大夫處蓋越人但知始皇嘗上會稽刻

石頌德不知封松乃在泰山時非在會稽時也許觀東齋紀事

漢明帝東巡泰山有鳥飛鳴乘輿上虎賁射中之遂作射

鳥辭帝賜錢百萬令亭壁皆畫焉古詩紀注以上巡守

齊宗有金簡玉策能知人年壽修短漢武帝登封泰山探

策得其十八倒讀曰八十後壽如之風俗通

漢武時有人騎白牛蹊人田田父訶之曰我北海使也將

看天子登封遂乘牛上山田父尋之惟見牛跡遺糞皆銀

明年漢武封禪劉氏類山

元狩三年帝復起陵霞觀去地九十丈累白玉為壁以八分篆寫義皇以來迄周成王封禪之事所謂登壁文蓋帝王之本績也洞冥記

高宗既封泰山欲遍封五嶽作奉天宮於嵩山之南御史裏行李善感諫曰陛下封泰山告太平致羣瑞與三王五帝比隆矣數年不稔饑孳相望陛下宜恭默思道以禳災

譴唐書

高宗封禪車鼻可汗葛邏祿叱利等三十餘人皆從至泰山下勒名於封禪碣唐書車鼻可汗傳

高麗王高遣子男福從封泰山唐書高麗傳

有僭羅者麟德中酋長來朝從封泰山唐書流鬼傳

元宗封泰山張說多引兩省錄事主書及所親攝官升山超階至九品九齡當草詔謂說曰官爵者天下之公器先

德望後勞舊今登封告成千載之絕典而清流隔於殊恩胥史乃濫章紱恐制出四方失望既而果得謗唐書張九齡傳

從封泰山奏東封記唐書韋述傳

天子東巡泰山中書令張說謀屯兵以備突厥兵部郎中裴光庭曰封禪以告成功若復調發不可謂成功者說曰突厥雖請和難以信結也知我舉國東巡有如乘間何以

禦之唐書突厥傳

劉晏曹州人元宗封泰山晏八歲獻頌行在帝奇其幼命張說試之說曰國瑞也即授太子正字公卿邀請旁午號

神童唐書

元宗屬其事于史官鑱其名于泰華二山碑以為榮唐書安金

傳藏

開元二十年三月賜爵代國公于東西嶽立碑以銘其功

通鑑

明皇封泰山迴過金橋御路縈轉一望旌纛縣數十里召

吳道子韋無忝陳閔同製金橋圖唐詩紀事

明皇封禪泰山張說為封禪使女婿鄭謚本九品官舊例

封禪後自三公以下皆遷轉一級惟鄭謚因說驟遷五品

兼賜緋服因大酺次元宗見謚官位騰耀怪而問之謚無

詞以對黃旛綽曰此泰山之力也西陽雜俎

元宗時王毛仲為太僕畜馬從帝東封取牧馬數萬匹每

色一隊相間望之如雲錦唐六典

明皇將登封泰山益州進白驃至燦朗豐潤權奇偉異上

遂親乘之柔習便安不知登降之勞也告成禮畢復乘而

下纔下山趾休息未久有司言白驃無疾而殪上嘆異久

之諡之曰白驃將軍命有司具構積數石為墓墓在封禪

壇北數里至今在焉開天傳信記

明皇東封至如會頓時有兔起於御馬之前上引弓旁射

獲之頓利發下馬持兔舞蹈曰聖人神武超絕若天上則

不知人間無也上因問饑否對曰仰觀聖武如此十日不

食猶為飽也續世說

泰山志卷之六

五

唐竇庠冬夜寓懷寄王翰林詩云滿地霜無葉下枝幾回
吟斷四愁詩漢家若欲論封禪須及相如未病時按相如
奏封禪事見史記夫封禪既非古禮而相如死猶獻諛不
知庠何所取而以自比此正唐儒之陋也然韓退之亦上
表勸封禪又數自謂希相如退之儒宗尙爾庠何議焉

詩

大中祥符元年六月乙未泰山西南垂刀山上有紅紫雲
氣漸成蓋至地而散其日木工董祺於醴泉亭北見黃素
帛曳林木上有字不能識言於皇城使王居正居正見其
上有御名以告欽若欽若具威儀奉導至社首跪授中使
馳捧詣闕帝御崇政殿起召羣臣曰朕五月丙子夜復夢

向者神人言來月上旬當賜天書於泰山宜齋戒祇受朕
未敢宜露惟密諭王欽若等凡有祥異卽上聞今得其奏
果與夢協上天眷祐惟懼不稱王旦等再拜稱賀乃迎奉
安於含芳園之正殿帝齋戒備法駕詣殿拜受之令陳堯
叟啓封其文曰汝崇孝奉吾育民廣福錫爾嘉瑞黎庶咸
知秘守斯言善解吾意國祚延永壽歷遐歲讀訖復奉以
升殿於是羣臣表上尊號曰崇文廣武儀天尊道寶應章
感聖明仁孝皇帝

三朝符
瑞志

初王欽若旣以城下之盟毀寇準上自是常怏怏他日問
欽若曰今將奈何欽若度上厭兵卽謬曰陛下以兵取幽
薊乃可刷此耻也上令思其次欽若因請封禪泰山可以

鎮服四海誇示外國然自古封禪當得天瑞希世絕倫之事然後可既而又曰天瑞安可必得蓋有以人爲之者惟人主深信而崇之以明示天下則與天瑞無異也

宋史

真宗將東封孫奭諫曰昔周宣王遇災而懼故詩人美其中興以爲賢主今震雷在冬爲異尤甚此天意丁寧以戒陛下而反未悟殆失天意

宋史

大中祥符二年東封泰山還賜梁固以下進士及第三年祭后土於汾陰賜張師德以下進士及第固狀元瀛子師德亦狀元去非子魏野以詩賀曰封禪汾陰連歲榜狀元俱是狀元兒

宋史

祥符元年直史官張知白請以泰山諸瑞命良工繪之

本藏秘閣傳於不朽一本以備玉清昭應宮圖壁從之五年

丁謂等又上汾陽祥瑞圖百四十八軸與東封所錄並

繪於玉清昭應宮東西廡

玉海

真宗自封禪之後士大夫爭奏符瑞獻贊頌崔立獨言水發徐兗旱連江淮無爲烈風金陵大火是天所以戒驕矜

也

宋史紀事本末

真宗封禪還以所得祥瑞命近臣謨樂章於朝會宴享則歌之以紀瑞物之應一日醴泉二日神芝三日慶雲四日

靈鶴五日瑞木

泰山紀事

瑞雲亭當時御香亭也宋真宗將登封齋於會真宮之穆清殿有黃白雲如幢蓋龍鳳狀起太平頂焚香再拜雲變

五色復有雲如橋梁紫雲覆之久而不散遂以名亭泰山紀事
大駕玉輅自唐顯慶中傳之號顯慶輅唐高宗時造至今
進御自唐至今凡三至泰山登封其他巡幸莫紀其數至
今完壯乘之安若山嶽以措杯水其上而不搖慶歷中嘗
別造玉輅極天下良工爲之乘之搖動不安竟廢不用元
豐中復造一輅尤極工巧未經進御方陳於大廷車屋適
壞遂壓而碎只用唐輅其穩利堅久歷世不能窺其法世
有神物護之若行諸輅之後則隱然有聲夢溪筆談
洪武初居民於社首山中得玉匣內有玉檢十六有司獻
於朝驗其刻乃宋真宗祀泰山后土文又成化壬寅秋口
觀峯下雨水衝出玉簡會中使有事東藩復馳以獻乃命

仍瘞舊所岱史

碧霞祠舊有玉印文曰天仙照鑒相傳爲秦時物按文獻
通考泰山玉女池側有石像宋真宗東封詔皇城使劉承
珪易以玉礬石爲龕奉置舊所今宮址正在其地則此印
當爲大中祥符賜物乾隆庚申祠燬於火前代碑刻如秦
相二十九字俱經亡失此印出諸煨燼完好如故有阿護
之者古玉圖譜
乾隆十二年十二月十四日工人於日觀峯側鑿石得玉
匣二各緘以玉檢金繩啓視其一爲祥符登封玉册共十
七簡簡字一行外用黃縵摺疊裹之見風灰飛其一未啟
其簡尺寸悉如封禪儀所載巡撫阿里衮獻於朝泰安縣志

宋林逋先生雖在隱逸爲一時名公推重方是時天子修封禪告太平其臨終詩云茂陵他日求遺稿猶喜曾無封禪書士之風節文學名天下如先生其人麟鳳芝草不足言矣

西湖志略

永樂十三年禮部郎周訥請封禪尙書呂震贊之不許學上胡廣獻却封禪頌

明史以上封禪

後漢書桓帝紀永興二年泰山瑯邪賊公孫舉等反殺長吏永壽元年七月初置泰山瑯邪都尉官延壽五年八月己卯罷瑯邪都尉官八年五月壬申罷泰山都尉官金石錄載漢泰山都尉孔宙碑云宙以延壽四年卒蓋後四年官遂廢矣然泰山都尉實不始於此光武時曾置之文苑傳夏恭光武時拜郎中再遷泰山都尉

六年初罷郡國都尉官恭之遷蓋在此年前也

顧炎武日知錄

香稅惟岱與楚之太和山有之舊例總巡官一員於府佐內行委端一督理香稅上下稽查是其責也分理官六員於州縣佐貳官內行委坐定遙參亭二員一收本省香稅一收外省香稅俱填單給與香客元武門一員收山後香稅亦給單紅門南天門各一員俱驗單放行頂廟碧霞宮門上一員查放香客出入凡此員額其來久遠不知起自何年隆慶五年議革遙參亭官一員並紅門南天門驗單官二員只存分理官三員一在遙參亭一在元武門一在碧霞宮其委官期限每年分三季上季自正月至四月下

季自九月至十二月其時香客衆多故總巡官與分理官俱全數委用中季自五月至八月其時香客不多故只委分理官不委總巡官又每一季完訖則另行別委故總巡官去住不常而分理官亦常有奉委未到者議者謂總巡官宜有常設俾之常駐其稅銀舊例本省香客每名五分四釐外省香客每名九分四釐俱店戶同香客赴遙參亭報名納銀領單上山頂自萬曆八年有外省香客冒充本省報名短少香稅者因改議不分本省外省香客一例香稅銀八分其銀各店戶包封署名包上儲遙參亭庫內待夏冬二季起解時店戶各認姓名領包傾銷後改季官收銀開驗實店戶傾錠量行給與耗銀公私俱便其混施事例凡香客施舍金銀珠寶玉石首飾並金銀娃娃銅錢及旛蓋袍服紗羅緞幣等項俱投在碧霞宮內夏冬二季另委府佐一員前往會同原總巡官登頂啟門收驗諸所施舍前項物件逐一驗看估計將金銀珠寶玉石首飾並金銀娃娃銅錢等項同前項香稅一併解赴布政司儲庫以待轉解支用其旛蓋袍服紗羅緞幣等物解赴濟南府儲庫支送三司堂上首領與運司濟南府各佐貳員下折俸其會計事例每年香稅並混施銀兩多寡不等照數坐派一日解部自嘉靖三十七年凡泰山頂廟香錢除旛蓋袍服等物照舊折俸其餘金銀首飾依例分季差官赴部交納春季約解銀一萬兩有零冬季約解銀一萬二三千兩

有零一曰存司專供公堂慶賀表牋扛夫車價分差人役
六房文冊紙劄寫字書手工食及德魯衡三藩府各郡王
祿糧等項一曰修城其銀亦儲在布政司以供修理城垣
之費一曰修廟其銀亦儲在布政司以供嶽頂諸廟修理
之費每香稅八分內除五釐修廟一曰公費供香稅凡各
委官廩給並跟隨人役工食其銀卽於泰安州支給一曰
銅錢舊例俱解禮部近歲部中久不取解俱貯藩司

設官

按漢官儀云漢武圓臺在始皇封所北臺上有壇謁人多置錢物上亦不掃除今碧霞祠有混施錢尙仍其俗考香稅之設始自前明至

旨裁革
國朝雍正十三年十二月奉

孔子過泰山側有婦人哭於墓者而哀夫子式而聽之使
子路問之曰子之哭也一似重有憂者曰然昔者吾舅死
於虎吾夫又死焉今吾子又死焉夫子曰何爲不去也曰
無苛政夫子曰小子識之苛政猛於虎也
顏子與孔子上魯泰山孔子東南望闔門外有繫白馬引
顏淵指以示之曰若見吳闔門乎顏淵曰見之孔子曰門
外何有曰有如繫練之狀孔子撫其目而止之與俱下
孔子登東山而小魯登泰山而小天下所登愈高所見愈
大天下之理固是如此雖然孔子豈但登泰山而後知天
下之小哉此孟子所以有感於是也東坡嘗用其意作廬
山詩曰橫看成嶺側成峯遠近看山總不同不識廬山真

面目只因身在此山中，知此則知孔子登泰山之意矣。無為楊次公嘗奉使登泰山絕頂，雞一鳴見日出，由是而言則世之不見日者尚多矣。

陳善捫虱新話

曾子耕泰山之下，天雨雪凍旬日不得歸，思其父母作梁

山吟

琴操

子思遊齊與陳莊伯登泰山而觀古天子巡狩之銘焉。陳子曰：我生獨不及帝王封禪之世。子思曰：子不欲爾，今周室卑微，諸侯無霸，假以齊之衆連鄰國以輔文武子孫之有德者，則齊桓晉文之事不足言也。遂告以聖帝明王巡狩祭祀黜陟之典。

孔叢子

孟子生時母夢神人自泰山來止於嶧，母凝視久之。

雲墜而寤，時間巷皆見五色雲，覆孟氏之居焉。後人稱孟

子有泰山巖巖氣象，適符雲兆。

三遷志以上聖賢

伯牙遊於泰山之陰，卒逢暴雨止於巖下，心悲乃援琴而鼓之，為露雨之音，更造崩山之音曲，每奏鍾子期輒窮其趣。伯牙乃舍琴而歎曰：善哉子之聽也。

列子

吳文章，泰山人，陳留太守少孤，遭亂與兄伯武相失，別二十年後會下邳市，爭計其鬪，伯武毆之，文章欲報，心惻悽，手不能舉，投杖於地，觀者咸唾笑，還相問乃真兄弟也。

通

風俗

胡毋班，字季友，泰山人名，在八廚謝承書云：班，王匡之妹夫，匡受紹旨收班繫獄，欲殺以徇軍，班與匡書略曰：足下

拘僕於獄欲以釁鼓此何悖暴無道之甚者也僕與董卓何親戚義豈同惡足下張虎狼之口吐長蛇之毒恚卓遷怒何其酷哉死者人之所難然恥為狂夫所害若亡者有靈當訴足下於皇天夫婚姻者禍福之幾今日著矣曩為一體今為血讐亡人二女則君之甥身歿之後慎勿令口口尸骸匡得書抱班二子哭班遂死於獄漢名士錄

諸葛亮字孔明瑯琊陽都人父珪為梁父尉尋遷泰山郡丞幼從父梁父父卒徙居南陽好為梁父吟蜀志

陳武字國本休屠胡人常騎驢牧羊諸家牧豎數十人或

有知歌謠者武遂學泰山梁父吟之屬陳武傳

安金藏為泰山工人時睿宗為皇嗣或有誣害皇嗣潛告金藏大呼謂俊臣曰公既不信金藏言請剖心以明皇嗣不反即引佩刀自剖其胸五臟並出血流被地氣遂絕則天聞之令昇入宮中遣醫入五臟以桑白皮縫合之傅藥

經宿乃蘇唐書

石守道學士為舉子時寓南都困窮苦學王侍郎瀆問其勤約因會客遺以盤餐石謝曰甘脆亦我所欲但日享之則可若止修一餐則來日何繼乎朝享膏粱暮厭粗糲人之常情也某不敢受賜還之倦遊錄

石介守道為國子監直講一方士稱曰叟上謁袖出詩曰高心休擬鳳池遊朱紱銀章寵已優莫待禍來名欲滅林

泉養浩預爲謀石遜謝不悟其旨延以酒食日將夕叟辭石畱之宿曰吾孤雲野鶴安可畱也既而期年因謗誣坐

貶倦遊錄

姜潛從守道石先生讀書離家百里每歸省隨意登途不問朝暮一日夜半乘馬行佩弓矢一童前導睹林薄燈燭熒煌悚怖不敢進姜曰鬼物耳奚足畏哉策馬迫視乃數人披髮度地而賭引弓一發旋皆奔散不測所之獨碧石大散益瑩然可愛遂取之

泰山紀事

歐陽修余靖王素蔡襄同爲諫官欲引石介仲淹曰介剛正天下所聞使爲諫官必以難行之事責人君以必行少拂其意則牽裾折檻叩頭流血無所不爲主上富春秋無

失德朝廷政事亦自修舉安用此也諸公乃止

宋史范仲淹傳

范仲淹在睢陽時有孫秀才上謁贈錢一千明年復謁又贈一千仲淹問之孫生戚然曰母老無以養若日得百錢則甘旨可足仲淹曰二年僕僕所得幾何吾今補子爲學職月得錢三千以供養可乎於是授以春秋十年後泰山下有孫明復先生以春秋教授學者朝廷召至乃昔日索甘旨錢孫秀才也

東軒筆錄

王蒙字叔明湖州人自號黃鶴山樵趙孟頫甥也畫山水得外氏法洪武初官泰安州知州廳事後有樓面泰山蒙張素絹于壁興至捉筆三年而圖成有陳汝言者夙善畫一日過訪方展圖雪大作欲改爲雪景而難于設色汝言

沈思良久曰得之矣爲小弓夾粉筆張滿彈之儼如飛舞
蒙遂叫絕曰岱宗密雪圖世甚珍重之

良齋倦稿
以上人物

無字碑秦所以疑萬世也後人師其智移而之冢冢不可
見矣疑之以所不見者淺疑之以所見者深也予作無字
碑詩曰民不可使知亟亟全其愚噫譎而勞哉

鍾惺
岱記

碑者山川之眼也碑不易佳佳者尤不易古泰山自李斯
碑後有古于摩崖銘石經者乎雖無老成人尙有典刑告
守者審定佳惡自當別論至其古不古一覆其時代而得
之初無難事請從元宗以前雖不佳者亦當念其年壽而
保存之如蘇頌書頌奪于林焯因大字然當去其字仍大
書石云此林焯毀蘇許公碑頌處明正其刑以告愚忍

後有所犯按所壞碑之久近爲其刑之差可也

岱記

紀泰山銘隸書明皇開元十四年御製御書字大如手岱
頂東嶽廟後石崖上南向人謂之摩崖碑朱彝尊云碑銘
典雅或是燕許手筆而御書遒勁若怒猊渴驥羈東安間
不比孝經之多肉少骨若唐隸盡若此何慙漢碑碣乎按
明皇旣製紀泰山銘親札勒於山頂之石以九月景戌告
成維時中書令張說撰封祀壇頌侍中源乾曜撰社首壇
頌禮部尙書蘇頌撰朝覲壇頌而存於今者唯此而已

碑

齊題

唐張懷貞任要韋洪公孫杲四詩俱刻於岱嶽觀碑側而
編岱史者不錄任韋公孫三人新舊唐書無考任又題名

云貞元十四年正月十一日立春發嶽遂登太平頂宿其
年十二月二十一日立春再來致祭茶宴于茲蓋唐時祭
畢猶不用酒故宴以茶也

聯書
亭集

陰字碑以字鑄北向從俗稱也或曰金字當時以金塗飾
也或曰禋祀以精意答享言也聲皆相近而義亦通不知
真宗東封時駐蹕會真宮故碑作屏製鑄北面當宮南百
餘武義當從陰宮舊在城內而碑限於外以故人亦罕知
之

史

登泰山謝天書述二祖功德碑在城南北向宋真宗御書
王欽若文典雅有清廟氣象書端疑有明堂氣象世稱
雙絕或謂岱巔東巖平削欽若欲摩崖紀功與唐八分並
峙已成其額真宗謙讓未遑勒碑山下取對越之義其字
完美說者於欽若不取其人取其文於真宗不取其事取

其書

泰山
紀勝

嶽西傲來峯下有石壁平廣二十餘丈書曰龍潭曰白龍
池並大字其旁皆宋人題名尙未刊缺因書之得十五首
其文畧無重複自治平迄宣和六十年間人名字亦可以
想見當日太平之盛

山東考
古錄

嶽宮有石刻十六字萬歷辛丑洛人李士登筆文云登岱
巔兮色光莫紀想太初兮山生之始簡遠似漢人詩若今
人作岱遊不知豫儲幾千言以往矣

岱
記

呂升卿爲京東察訪游泰山題名於真宗御製封禪碑之

陰刊刻場本傳於四方後二年升卿判國子監會蔡承禧
為御史言其題名事以為大不恭遂罷升卿判監東軒筆錄

凡陽宅衝處率樹小碣曰泰山石敢當石敢乃五代時勇
士先是晉高祖自鎮州朝京師適愍帝出奔止傳舍敢袖

鍊槌侍高祖遇變遂與左右格鬪而死稽宅經須避方煞
故取石敢當耳其曰泰山則又鎮宅之義也說郛以上金石

鄧艾年十二曾讀泰山碑碑下掘得一刀黑如漆色長三
尺餘上常有風氣冷凄凄然時人以為神賜刀劍錄

仙人王方平降陳節方家以刀一口名泰山寶環語節方
曰此刀不能為餘益獨卧可使無鬼入軍不傷勿以入廁

溷且不宜常佩三年後有從汝求者可急與之後果有以
劍百萬請刀者列異傳以上刀劍

司命東岳上真卿太元真人茅君大茅君諱盈字叔申靈寶位業圖

聶政父為韓王冶劍過期不成王殺之時政未生壯問母
知之乃上泰山遇仙人學鼓琴七年琴成漆身為厲吞炭

變音以刀納琴中刺韓王琴操
泰山老父者莫知姓氏漢武帝東巡狩見老翁鉏于道傍

頭上有白光高數尺怪而問之老人狀如五十許人面有
童子之色肌膚光華不與俗同帝問有何道術對曰臣年

八十五時衰老垂死頭白齒落遇有道者教臣絕穀但服
术飲水并作神枕枕中有三十二物其三十二物中有二

十四物以當二十四氣八毒以應八風臣行之轉老爲少
黑髮更生齒落復出日行三百里今一百八十歲矣帝受
其方賜玉帛老父後入岱山中每十年五年時還鄉里三
百餘年乃不復還神仙傳

西王母與上元夫人降漢武帝帝視其中器中有小書乞
瞻覽母曰此五嶽真形圖也乃三天太上所出豈汝所宜
佩乎帝乞不已與之藏柏梁臺漢武內傳

劉道合者居嵩山唐高宗卽所隱立太一觀使居之時將
封泰山雨不止帝令道合禳祝俄而霽乃令馳傳先行泰
山祈祓得賞賜輒散貧乏無所蓄咸亨中爲帝作丹劑成
而卒帝後營宮遷道合墓開其棺見骸垢若蟬蛻者帝聞

恨曰爲我合丹而自服去然所餘丹無他異唐書隱逸以上仙異

程昱少時常夢上泰山兩手捧日昱私異之以語荀彧及

兗州反賴昱得完二城於是彧以昱夢白操操曰卿當終

爲吾腹心昱本名立操乃加日字於其上更名昱也魏志

李虛中將疾謂其友韓愈曰吾夢泰山裂流出赤黃物如

金左人曰是所謂大還者虛中旣沒愈追占其夢曰山者

艮其背裂而流赤黃疽象也大還者其告之矣韓愈李虛中墓銘以

上夢

竹林寺二十餘里三陽菴之後塢也小徑沿山清流夾道

蟠曲羊腸景隨步換抵寺四木參天諸樓滿地晨鐘晚磬

另一婁清傳云古寺在石壁洞前寺遭回祿佛入石洞門

閉而不可尋迄今雲霧煙雨時猶能遙見舊日樓臺神哉

異哉泰山小史

萬歷辛卯余與劉文學斌以里選赴省會我兩人雅好探
奇聞泰山後有山徑景趣幽僻攜二蒼頭策藜偕往所經
掃帚峪牛欄口玉皇嶺終日不逢一人但聞山鳥亂啼澗
流潺潺響出石竅中危橋斷岸疊嶂青林山花蒙密都礙
人行俄值天雨濛濛四山陰晦劉所攜蒼頭見栗樹下有
披裘戴笠執鋤而立者將就問道未近而蒼頭死文學入
山林覓數夫舁歸山村旅舍五鼓乃甦記云山中之精知
人長九尺衣裘戴笠其名金累蒼頭所見者或即此

紀事以上怪異

泰山失金雞鄭元注金雞泰山之精類周易是

漢昭帝元鳳三年春正月泰山大石起立高丈五尺有白

鳥數千集其旁漢書

漢宣帝元康元年鳳皇集於泰山二年神爵集泰山漢書

泰山廟中柏皆二十餘圍夾兩階赤眉當斫一樹見血而

止今斧創猶在從征記

蔡邕行泰山見爨桐聞爆聲曰此良木也取而為琴後漢書

魏明帝初泰山下有連理文石高十二丈狀如枯樹其文

色彪發似人雕鏤自下及上皆合百餘步稍覺相近如雙

闕也泰安縣志

開皇十四年將祠泰山令使者致石像神祠之所未至數

里野火歛起燒像碎如小塊

隋書五行志

宋眞宗大中祥符六年十月泰山興工有鳥類鳥嘴趾皆

赤役夫稍憩卽飛鳴作起之聲衆工見其來畚鍤爭進將

哺而去以爲常日爲催工鳥

舊泰安州志

岱嶽觀經樓忽侈樓屋徘徊之中雜骨盈車有老蜘蛛在

焉形如矮腹五升之茶鼎展足則周數尺之地矣

玉堂閒話

處士松在五大夫松上不里許獨挺山巖偃蓋

兩有虎嘯龍吟之致以羞秦勅故名萬歷間失

集

舊州堂東壁一日雲霧微生有物如鱗鱗飛出至半空雷

電轟擊霖雨如注太守因表其處曰龍窩

泰山小史

張延登崇禎中遊泰山宿大汶口偶行飯至水濱

光芒特異出之則一石可尺許背負一小蝠二蠶腹小蝠

近百飛者伏者肉羽如生蠶若天然有小凹可以受水下

方正受墨因製爲硯銘之曰泰山所鍾汶水所浴堅勁似

鐵溫瑩如玉化而爲髓生生百族不假雕飾天然古綠用

以作硯龍尾繼躅文字之祥自求多福故名多福硯爾雅

蝙蝠腹翼郭璞注齊人呼爲蠨蠹故又名蠨蠹硯

池北偶談

康熙八年六月十二日泰山頂廟鐘鼓自鳴泥中馬蹄痕

其大如斗或見大人跡長二尺許

泰安縣志以上物異

泰山志卷第十九

泰山志卷第二十

朝議大夫山東泰安府知府休寧金榮纂輯

敘錄

嘗攷郭璞山海經而知天下名山不可不志也矧泰山出
震配乾萬物終始而陰陽交代之地乎榮少時讀孟子至
孔子登泰山而小天下心目中卽時時懸一泰山之象思
一登之而不得迨壯歲遊京師官光祿佐郡聞海往來齊
魯間屢於馬首瞻視皆以郵程促迫未獲一登歲甲寅奉
天子命擢守泰安治近代嶽春秋祭祀水旱雩禱屢造其巔曩
昔之願於焉始副凡所謂上中下三廟天門日觀並峯巒
巖洞諸名勝探幽歷險無不畢至更溯泮淙三谿源流大

小汶之分合下至云亭梁父徂徠諸山岡巒延屬無不周覽自唐虞迄今四千餘載巡狩望秩之典升中封禪之文史冊昭垂班班可考入或讀其書而未至其地或至其地而未究其書皆無能述作今至其地矣又復搜討古書披覽紀載豈可不載筆志之以輔

聖朝輿地山經之萬一哉

自古在昔先民有作班固漢書藝文

志載古封禪羣祀二十二篇封禪議對十九篇漢封禪羣祀三十六篇封禪方說十八篇書亡無可考而泰山記泰山郡記亦僅見於史記注水經注所引鄭樵通志藝文略載五嶽諸山圖一卷五嶽圖一卷五嶽記一卷嶽瀆福地圖一卷皆不著姓名馬端臨通考謂五嶽諸山圖無名氏

多鄙誕不經宋有大中祥符時丁謂等撰封禪記五十篇其書俱不存而志之存者則有明嘉靖間汪子卿編輯泰

山志巡按御史吳伯朋裁定雍焯洪章為之序

雍序岱行無志同寅

吳侍御始為之侍御以權務按部濟南例得有事於岱登覽諸峯因之訪靈異稽故實見秦漢以來殘鷓斷碣蓬任荒榛及近代聞人之賦述勝蹟者咸散漫巖崖而莫可畢觀於是詢得抄本付梓郡中夫岱天下之名山也世之慕勝者孰不欲一躡其間而周矚其所有乃卒畢其願者不人人然也梓行而勝流宇內焉侍御之省方殊可徵已夫靈異幽絕者山之勝而興雲雨莫疆寓者亦惟山之自有即天下之人越江海而與雲雨執策而可得其異狀以心傾其勝山之休奕羣矣孰與雨暘若方隅又上以慰九重之衷下以濟生人之命俾守臣羣吏得以頌其德而稱議其嘉釐於無已哉夫神之臨民分也矧岱秩列震鎮生育庶彙其寧區保大銷禘而布禋祥蓋自鴻蒙以逮若今厥惟載紀崇峻曠茲邈矣曷假子祝又曷假於子頌願不肖祇命東藩心激民隱茲所企願於神者則然也梓成濟南守項君亟以敘請時予方行部日劇弗及頃以病告乃為是以復之志稗諸例而間有畔於岱者近世諸嶽鎮

名種種梓志唯華山志則體裁差勝云而又病於直略也
 洪序泰山志四卷明白野汪仲蘇氏誤仲蘇氏名子卿歛
 產也劫游天目錢唐之間以文學行誼顯吳越吳越故材
 藝數澤咸帖帖推轂然數奇射策有司屢進屢報詘仲蘇
 氏孜孜自樹不少哀聲問益踔厲藉甚既以經行為督學
 使臣所獻赴上都發揚粵派淮泗印孔林登泰山凌日觀
 摩穹蒼棲巖探泉溜捫縣崖菟殘碑抉晦蝕稽故牒蹤
 跡文字以帝聖聖聖聖聖聖聖聖聖聖聖聖聖聖聖聖聖
 寺鳥獸蟲魚藥草木石上下數千百年亡間微顯存不鴻
 回神爽飛越及得志讀之喟然嘆曰大哉巍巍乎其天下
 之具瞻而兩間之巨鎮乎夫瀨氣挺靈青曦凝質五嶽攸
 宗萬物伊始其諸岱宗之所由名乎是故王者欽崇邦家
 望秩上聖降神名賢彙集方物呈奇幽明受職宜也雖然
 古有登之小天下者矣夫以泰山黎天下天下非小也然
 而登之以小天下其諸日躋高明則我大而物小者乎復
 有解其非能有趾而不能無趾者矣夫積趾為麓積麓為
 阜積阜為陵積陵為岑積岑為嵩積嵩為嶽不讓上壤不
 辭拳石以成其崇以極其峻其諸君子以順德積小以高
 大者乎未也泰山高矣泰山而屬泰山則畔援俱忘
 拾級並廢小大皆空崇高無極將與太虛者游而造物者
 一茫不知其所由來杳莫測其所際噫其至矣其至矣

其後查志隆重修易其名曰岱史于慎行為之序歷城劉

勅增修之于序岱史者何志岱宗也志何以爲史岱者禹
 諸侯主焉志之而曰史以尊岱也岱故無志乎有而繫諸
 州且不備也待御嶺南譚公巡行考覽謀諸鹽政大夫查
 公以爲州不得有乎岱故別而爲史也爲史奈何革舊而
 爲新因略以致詳旁搜遐考以備人文而標名勝作者之
 志也夫圖經者觀察之符契也恢而弁之以爲綱紀故作
 圖考天之精曰星地之精曰山嶽其大者也降婁元枵之
 次歲星位焉其應廣矣作星野考岱者中條之所底也河
 濟不得無以障青兗不得無以鎮畿輔不得無以屏故曰
 齊得十二焉作形勝考記曰岱宗周迴三千里東方之山
 皆其裔也然而縣亘二州不可勝識惟是七十二峯巖壑
 泉石神怪儵詭化工備矣作山水表在古錫魯其後隸齊
 更姓易制畫野分疆躔紛綺錯名實相參而岱猶故岱也
 作疆域表省方之后迺修玉帛暨乎明堂王政攸布安所
 云七十二家之封而以奉秦皇漢武爲乎其失至我明然
 後一酒之此亦古今得失之林也作狩典紀然自聖祖開
 基釐正嶽號國有大慶使使奉璧告焉亦柴望之遺矣作
 望典紀介丘之勝久矣城邑壇墀或爲墟莽探奇懷古之
 士有所感慨而踟躕焉作遺蹟紀夫山之守爲神三宮空

洞之天百靈之府也神房阿閣可謂侈麗矣作靈宇紀遊
 展之所登臨星輶之所陟降有廬舍焉作宮室志夫岱君
 子於是觀士德也芝草玉石冥棲之侶耽焉作物產志夫
 自燕秦柯洛之間奔走奉祠絡繹殷賑其麗不億洋洋乎
 神之為德也有一州之鎮也然而吉凶之應於國有開焉
 香稅志夫岱者一州之鎮也然而吉凶之應於國有開焉
 作災祥志操觚之倫原本山川極命草木於遊得之派風
 乎可以觀也作登覽志總之十有七卷旁該寥廓苞舉珍
 瑰續紛浩侈洞心溢目閱哉博矣故曰革舊而為新因略
 以致詳旁搜遐考以備人文而標名勝作者之志也於戲
 天下之以山名者衆矣至於剗削刻畫之趣嶽窈窕之
 觀或具體於穹崇若鍾技於妙巧亦皆標奇史謀侈美聲
 詩矣况夫秩視三公功律造化風雲之所吐納萬品之所
 育成者哉何其宜有史而久未有也岱得侍御公與大夫
 而後尊於史岱尊於史而公與大夫之名得以不朽於岱
 此宜金簡玉策之藏而縣寓之鉅觀矣不亦盛哉大夫博
 雅有文故為武林世家以丙戌季夏月受書於侍御公纂
 述鉤校不數月而告成事斯已勤矣行不佞家於岱賦蓋
 嘗有意斯舉而力不能及今也嘉侍御公與大夫宋燾則有
 夫之志而幸燾之有以尊也為敘諸簡端如此

泰山紀事

自序昔太史公足跡半天下始有成書上下數
 千百年總括悉備猶不敢自比於作者曰余所

謂整齊其世傳非作也矧吾曹生泰山蓬蒿中見園方隅
 識同井蛙詢及粉榆之故蹟業已茫然莫知况六合內外
 又何如矣維我岱宗自古號為名郡無論守土之吏打牧
 拊循有光竹素者代不乏人以至博雅清正之儒葆真含
 和之士抱芳完潔之貞皆秀鍾於山靈行高於閭里若彼
 緇黃者流棲嶽麓以全真茹岱芝而自飽倘徇方外蟬蛻
 風塵雖吾儒所不道亦探奇者所必稽也余乃逃覽古牒
 近參閱見彙成一編雖挂漏之訕在所不免而千百什一
 之僅存倘前事之不忘後事之師耶若曰蕭協中有泰山
 會其大全而要於至當敬侯之博雅君子

小史

國朝林杭學有泰山輯瑞集周龍甲為之序周序古者東諸

位至尊權至重凡帝王受命告成皆有攸責焉秦漢以降
 分爲郡縣後迺定爲州於是位漸卑權亦輕雖然州有守
 猶刺史也刺史國之外臺有專城任州守亦然况泰安且
 十倍他州者乎他州守土此更主山他州治民此兼格神
 曰有祭告惟州守是問曰有遊觀惟州守是徵
 國家捍蔽倚於斯齊魯關隘扼於斯以及賦役多寡漕源通
 塞無不繫於斯如斯位安得卑權安得輕至於一方之文
 獻百代之大典關焉其爲封禪撰著幾何家其爲儀制幾

何則其為祈禱及修廟之作幾何篇其為登臨歌咏幾何
氏雖前此有泰山志有岱史有菟玉集非不採奇選勝各
自為書然或以太煩失瑣太簡失略儻非煩簡得宜集其成
而彙輯之何以示當世詔來者乎此州守林君果庵所以
有泰山輯瑞之刻也果庵金陵名宿詩文久見推於世昨
者蒞茲土山川以奠神人以寧祀典無曠供億不賈境內
帖然上下相維賦役平均轉輸克濟既不疲民又不病
國聽政之暇退而著書考核故實編纂成集果庵豈非賢守
哉夫泰山古多循良之官如陳俊忠勇李固恩信皇甫鎮
靜韓韶賑恤申恬德威並行章安石政平操潔此其彰明
較著者也顧著述不傳千載而後亦相與謂之曰能吏而
已孰有如果庵文章治行卓然不朽者乎今且奉佐漳之
列閩矣閩中山水佳麗甲天下漳州有天寶山者五峯峭
於此果庵至當徧搜採焉異日者勒為一書炳炳麟麟
與泰山輯瑞集並垂天壤則此書實其先導也是為序
錢序往者李進士
士言聶君劍光者居岱宗之陽多識岱故貧而好著書良
訪劍光同行顧人無識之者是日出城北門歷十八盤登
玉皇頂抵暮而回龐識岱宗面目而已其冬復過泰安劍

鉸有泰山道里記錢大昕姚鼐為之序

光持刺介素伯書來見予喜甚然簡書有期不復能入山
矣將別劍光以所著泰山道里記屬予序其端讀之由近
及遠由正路以及四隅較若列眉其間富谷幽阻昔人遊
履所未至掌錄所未詳者劍光歷三十年布衣芒屨手捫
目驗而不知之其文質而不俚簡而不漏洵志乘之佳者素
伯所稱不子欺也予夙有山水癖與劍光同他日再游岱宗
劍光能強為我行乎書之以為息壤之約姚序余嘗病夫
下地志謬誤非特妄引古記至紀今時山川道里遠近方
向率與實舛令人憤歎設每邑有篤學好古能遊覽者各
攻紀其地土之實據以相參校訂則天下地志何患不善
余嘗以是語告人嘉定錢辛楣學士上元嚴東有侍讀因
為余言泰安聶君泰山道里記最善心識其語比有岱宗
之遊過訪聶君山居適索其書讀之其攷訂古今皆詳核
源流方面頗有舛誤又謂古奉高在今泰安石汶水左右水
登封入奉高境西行度環水而北至天門歷盡環道躋岱
巔通得封所馬第伯記可覆案也往昔在濟南秋霽登山也
佛人多為之名耳今閱是書每與余意合而辨正尤起人
意聶君欲余序以重其書余淺學又偶過臆度徒幸有合
於好古力索久往來是山中者聶君足重余耳余安足重
聶君哉聶君自序余生長泰山下嘗蒐討岱故更思以游

御車

每履得其寶乾隆癸亥安邱劉履夫其旋教授泰安與余善

恩命

子苑巖來娛之拙所縣歸高為半發險一志余古蹟亦訪卷阻向有題刻惜為苦薇莫辨者近迺野老參考羣書竭

六乃君之子交修而罔棄也政洽人和晏以無事考圖數
定位山澤通氣此一世非第如四嶽之靜鎮一方而已天地
駁則有明人查志隆岱史孔貞瑄泰山紀事等書又詳專門
內名不中史法以故泰山之面目終不顯夫揚推古今皆
協心分曹授簡悉力搜剔蓋秉文者之研摩編削凡屬
餘而始藏厥事勒為一書命曰泰山圖志是役也非敢遂
僂諸紀泰山之牒與赤文綠字相焜耀然以觀於上下四
十餘里中隱麟鬱律延屬施靡星之繁然并之割於闔
岱宗大體勢其一股超鴻濛混希夷朝暉夕陰滄海闔
貫象仍是天地元氣不許離濇而其間觀縷根角且頌萬
民是若先之以萬物皆相見乎離濇而其間觀縷根角且頌萬
秩之典隆於庶享而董正治官設以方之奚斯竊亦未肯
多讓抑孝純曩在蜀嘗游峨眉高且倍斯竊亦未肯
冰橫雪暗獨拔千尋之壑將倚尺五之天頗自詡冠奇絕
今志泰山獨復憬然蓋岷眉之高逸而孤者也孤則絕物

泰山志卷下敘錄

六

萬乘

故唯道場占焉泰山之高廓其有容者也有容斯能養人
嘻此泰山之大所以為羣生託命而發揚昭明特邁諸嶽
永時亘古乃至
降尊百僚備列玉璫黃流豐融胎蠻蒼帝之精實蒼生之
福也猶宋思仁為泰山述記百序先司農公官詞垣時余
真盛哉
晨餐暮宿馬馳車迅僅得望其蒼翠會不暇作一日遊仰
止之心數十年未嘗置焉丁未冬余移守汶陽嘗因公登
陟藉得歷覽形勝遍尋往躡崖泉豁洞可訪而知也然其
間有崑壑幽阻荆楚蒙霧為遊屐所未至者亦復不少前
人記志雖有數家而存於今者皆蠹簡殘編漏甚矣余
恐愈久而愈失也書諸餘間輒蒐討羣書搜羅殘漏並攷
郡邑志乘所載又得廣文王君鴻中周君相與摭拾凡
確實有徵者編為一集自康熙二十三年迄於乾隆五十
五年
東巡
翠華
李章
日麗曠典時昭謹恭彙另鐫用志泰山之光榮焉至聖賢
之遺跡歷代之典禮文人學士之題咏以及金石物
不編入集中分為十卷題曰泰山述記惟述舊而不
參臆說之意也若夫博綜兼貫考核無遺是有俟於
之君子
云爾
乾隆庚子辛丑間唐仲冕主講泰山書院著岱覽

三十卷不署姓名稱陶山山人蓋其母墓在岱西之陶山
所以識孺慕也其書敘全岱岱廟為總覽三敘岱頂岱陽
岱陰為分覽七敘降禪諸山及徂徠靈巖琨瑞為附覽四
敘文獻虞衡齊諧為雜覽三終之以自敘為綴覽一凡覽
十有八圖十有四古人詩文金石即附各卷中淹貫博瞻
文采可觀惜乎其未能刊刻也案諸書自古封禪羣祀
泰山記不可見而以近之存者而言明汪子卿志詳於掌
故而山水未能完備宋燾紀事蕭協中小史具有發揮失
之繁瑣至於輯瑞集又無論已故朱孝純以為躡駁不中
史法也宜哉聶欽道里記閱三十年而成言岱故甚悉朱
之圖志宋之述記多採其說焉而朱志為內閣侍讀江寧

嚴長明削成獨尙體要無卮詞有足稱者惟於靈巖琨瑞
以爲非泰安所隸則略焉王元美云遊泰山不遊靈巖不
成遊也案靈巖在泰山西北琨瑞山頭公谷在泰山東北
猶兩背然且志泰山非志郡邑也使靈巖琨瑞闕焉弗詳
致泰山全體不備豈何也哉案典郡於茲歷五年矣年穀
順成簿書多暇因設館聘名士相與編輯崇體例慎取裁
一言不確不敢強爲傅會也一字不真不敢強爲沿襲也
本之於明汪子卿志朱孝純圖志聶欽泰山道里記泰山
金石記而典籍之可考者則有史記封禪書並兩漢以來
各史郊祀禮樂等志應劭漢官儀記水經注杜預開
元禮鄭樵通志馬端臨通考于欽齊乘元好問東游紀略

顧參武山東考古錄金石文字記岳濬山東通志李興

靈巖志顏希深泰安府志黃鈐泰安縣志他若山海經風

俗通白虎通東觀漢紀徐堅初學記括地志元和郡縣志

太平寰宇記冊府元龜太平御覽玉海並我

朝淵鑑類函及諸經史子集下至釋道稗官家言其有關泰

山掌故而可引証者無不搜討薈萃焉我

國家郵治聿隆典禮大備

聖祖仁皇帝巡狩省方燔柴肆覲

世宗憲皇帝恢崇廟貌遣官祭告

太上皇帝御極之初革除香稅聿新祠宇法

祖時巡

鑿輅屢至

奎文睿藻毗龍山靈邁越前古迨甲子一周恭逢
授受昌期傳位

皇上遣使告祭以彰休和所爲金聲玉振丕承億萬年無疆之
休猗歎盛哉莫可尚已茲謹首列

天章繼載

盛典足以照耀日星輝映喬嶽美矣至矣唐哉皇哉通志載古
來地里圖經二十三部圖譜略云圖至約也書至博也即
圖而求易即書而求難是知志之不可無圖以輔之也
作圖二十有九竊附古人左圖右書之意焉前志
分率多淆紊茲先作總敘星野山脈總論並由麓至嶺分

岱陽岱頂岱陰極於四隅分爲三卷如社首高里亭亭云
云徂徠梁父靈巖琨瑞諸山另爲支山一卷而岱宗之全
體始具若川泉則考其源派分合得其會歸庶使脈絡分
明有條不紊至於祠廟則敘其朔始之由所以資考證也
秩祀則總括羣書所以志典禮也封禪則本原諸史所以
見禮之變也郡邑不嫌其略人物載筆維嚴蓋有別於郡
縣志也夫金石以垂不朽式瞻古入之道存焉况乎刻石
傳秦李斯作篆豐碑號漢顧氏析疑晉唐以來貞珉尤不
勝指數何前志略而弗詳耶爰審校拓本分遣拓工四出
搜訪窮巖絕壑紺宇琳宮大而豐碑鉅刻小至斷碣殘銘
無不盡搨以歸都爲四卷自宋元以前必詳至明代尤多

不能悉載亦存其目所以資經史彖隸證據者獲益為不少矣他若舊聞軼事見於諸書者彙為逸事記一卷間有辭涉諛詭而文無依附可以備掌故者皆彙入焉前志皆列藝文案班固前漢書藝文志祇列書名今則以雜選詩文當之失其意矣是志不列藝文凡前人文辭各附於各山景物之下以歸簡易云是志也經始於乾隆乙卯纂輯於嘉慶丁巳春二月成於戊午五月作紀三卷圖一卷志十卷記五卷敘錄一卷共成二十卷助榮纂輯者黃明府繼光江孝廉鳳彝楊文學元錫朱明經文藻裁定則榮與孫觀察星衍也乃為之敘曰

皇極敷言岱宗首嶽

聖聖相承典謨制作廟貌聿新載施丹腹龍脉既明豐碑高麗

睿藻泉流

鴻文雲簇炳煥球圖光輝巖谷謹恭錄

御製文敘

天章紀第一

天文煥耀

帝載緝熙協和以詠宣德以詩時巡喬嶽望秩抒辭花明芝蓋日

麗龍旗畱題

宸翰徧樹穹碑邁越前古雲漢昭垂謹恭錄

御製詩敘

天章紀第二

泰山志卷二十一
維天左旋維

帝法焉曰東巡狩迺造岱巔虞廷肆觀

峻業敷天陋彼秦漢封禪神仙觀風蠲賦察吏褒賢用答靈貺億

萬斯年謹敘

盛典紀第三

周官土訓掌道地圖王迺巡狩則夾王車圖經書緯相錯
相須圖約書博考証不誣峩峩泰岱雄長震隅用作圖考
庶得形模作圖考第四

泰山巖巖維天東柱四嶽所宗萬靈之府背濟襟汶陰齊
陽魯膚寸合雲天下霖雨象應蒼龍鎮此東土跨海而來
靈脉斯聚作總敘星野山脉總論敘岱志第五

洞號呂公池名王母松繞雲窩泉流龍口磴道盤空昇仙
路陡東西神霄上接星斗日觀嵯峨丈人偃僕頂曰太平
天門環守分岱陽岱頂敘岱志第六

東曰松巖摩天嶺峙西有傲來山水清美石屋黃華岱陰
迺邇天燭左分船石右起周漢明堂尙存遺趾極之四隅
可云觀止分岱陽東西岱陰岱陰東西敘岱志第七

岱嶽支山社首依附高里相聯古封禪所介石石閭亭亭
梁父云云少岱徂徠新甫琨瑞靈巖全體斯具名勝畱貽
秩哉有序敘支山志第八

珍珠泉美玉女池清三谿異派峪水迴縈五汶源別各立
其名至大汶口衆流合并中川玉水洞欸分明溯其會歸

庶合水經敘川泉志第九

周禮嶽祀兆而不廟迨及漢庭始崇廟貌乎佑下民神道設教喬嶽巍峨琳宮煥照青帝碧霞精誠感召望秩之儀典隆燔燎敘祠廟志第十

在昔巡狩省方觀民望秩所在懷柔百神崇德報功禮器攸存三公秩視五帝德均唐虞迄明屢舉精禋稽之史冊祀典聿臻敘秩祀志第十一

上古封禪述於管子秦皇漢武熒信巫史建武中元告功封璽降及唐宋符瑞以起頌德勒銘臣諛君侈彙而志之序其終始敘封禪志第十二

職方所掌兗州岱山漢爲大郡城邑迴環迺置奉高祀嶽禮虔朔其因革代有變遷賦產古蹟載籍所傳志其大略斯得其全敘郡邑志第十三

維嶽降神英賢不絕柳下和風羊公清節孫石傳經志行高潔泰山徂徠道啟來哲春秋三子竹溪六逸仙釋雷蹤含章貞吉敘人物志第十四

秦皇刻石唐帝磨崖李斯篆古蘇頌頌佳雙碑跌合建醮修齋迨宋封祀樹石廟階蒼苔所泐碧蘇云埋搜索得之好古有懷敘金石記第十五第十六

淵濟崇封靈巖金像宋代迄金貞珉堪賞有元紀石梵宮最廣前明碑目附茲不爽金薤琳琅珊瑚鐵網傳之千秋以證古往敘金石記第十七第十八

兩伯之樂清角之音孟氏見雲伯牙鼓琴蓬元洞天峯嶠
崎嶇鬼神之府碑碣如林府君祭酒民之所歆搜神述異
舊典披尋敘逸事記第十九

粵志岱宗本原諸史紀圖志記厥有條理網羅放失察終
原始淹貫古今詳稽道里述而不作我心則喜如有闕文
以俟君子作敘錄第二十

泰山志卷第二十

